


He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.

He whakarāpopoto

Pānuitia te whakarāpopoto ki te ākonga. Ko tēhea te punua tino pai ki a koe? Kimihia ngā punua ngeru i roto i te pukapuka *Ngā Punua*.



He kupu whakataki

Kia kaha ki te whakamahi i ngā wheako me ngā mōhio o ngā ākonga. Kia hāngai tonu te whakatenatena ki te whakauru i ngā ākonga katoa. Me whakatitina rawa te pūkenga tiro whakamua. Matapakihia ngā kupu hou me te āta whakamahi i te papa kupu, whakairo kupu rānei me ngā whakaahua hei te uhi. Me whakamaumahara hoki te ākonga ki te pātai i a ia anō i te wā e pānui ana ia mai i te tīmatanga ki te mutunga o te pānui.

Matapakia te tikanga o te taitara.

Kōrero mō te pikitia hei te uhi o te pukapuka. Pātaihia ko ēhea o ēnei punua kararehe i kitea e te ākonga. I hea ia i kitea?

Matapakia te mea i te wā i whānau ai ngā ngote ū, he āhua ōrite te āhua o ngā punua kararehe ki tō ngā mātua.

He Matapaki

Tirohia te pai o te pānui a te ākonga

I te wā o te matapaki, me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e mārama ana, mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuratanga o te pakiwaitara, arā, te kaupapa, te ritenga, ngā ariā matua, te raupapatanga, ngā kiripuaki;
 - te whakatenatena i te ākonga ki te titiro ki mua, ki te matapae hoki, i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mīhini rīpene kōrero, i tōna kotahi rānei;

- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga

1. E hia ngā momo punua kararehe kei roto i te pukapuka?
2. He aha aua punua kararehe?
3. Ko ēhea ngā punua kararehe iti rawa kei roto i te pukapuka?
4. Ko ēhea o ngā punua kararehe kei roto i te pukapuka ngā mea pai rawa ki a koe?
5. Ki ōu whakaaro, he aha pea te take neke atu i te kotahi ngā punua a ētahi kararehe i te wā kotahi?

Ngā whakautu ki ngā whakapuaki māramatanga

1. E rima.
2. He punua kurī, he punua ngeru, he punua nanekoti, he punua poaka, me te punua hōiho.
3. Ko ngā punua ngeru.
4. Ka rerekē ngā whakautu.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuratanga o te pukapuka nei.

Te pūtake

I He whiwhi māramatanga mai i ngā whakaahua hei āwhina i te pānui.

He whakatakinga ā-roto, he whakaharatau

I mua i te pānui i te pukapuka, kōrerotia ētahi āhuratanga o ngā punua ngote ū. He aha ētahi punua kararehe i kitea e te ākonga? He punua kararehe kei tōna kāinga?

Kia oti i te ākonga te pukapuka te pānui, kōrerorotia ngā punua kararehe i kitea i roto i te pukapuka. He aha ētahi mea ōrite, ētahi mea rerekē rānei o ngā mātua kararehe ki ngā punua kararehe.

Whiriwhiria he āhua e rerekē ai ngā punua kararehe ki ngā punua manu, ki ngā punua ika me ngā punua pēpeke.